

Aungowen fa daut *Schoolheft fa Läwen un Deenst*

6.-12. NOWAMBA

SCHAZA UT GOT SIEN WUAT | AMOS 1-9

No jeistelje Schaza sieekjen

w07-X 1. 10. 14 V. 8

Besondret von daut Buak Joel un Amos

2:12. Wie sullen de flietje Pionieren, de reisende Oppsechta, de Missionoaren ooda dee, waut em Betel schaufen, nich mootloos moaken un doavon aufroden, met dän Voltietdeenst wiedatomoaken un – soo aus se sajen – een jeweeneljet Läwen to fierien. Enne Städ daut sull wie dee tooroden, met äare goede Oabeit wiedatomoaken.

w07-X 1. 10. 14 V. 6

Besondret von daut Buak Joel un Amos

8:1-2 – Waut bedied de “Korf voll riepe Frucht”?

Daut bedied, daut Jehova sien Dach dicht bie wia. De riepe Frucht wort utgangs Joa aum Enj von de Arnttiet aufjeplocken. Aus Jehova Amos leet eenen “Korf voll riepe Frucht” seenen, meend daut, daut daut Enj von Israel dicht bie wia. Doawäajen säd Gott to Amos: “Mien Volkj es gaunz riep jworden. Ekj woa de Israeliten nich noch eemol vejäwen.”

13.-19. NOWAMBA

SCHAZA UT GOT SIEN WUAT | OBADJA 1 – JONA 4

No jeistelje Schaza sieekjen

w07-X 1. 11. 13 V. 5

Besondret von daut Buak Obadja, Jona un Micha

10 – Woo wort Edom “opp emma utjerot”? Soo aus verutjesajcht wia, kjeem daut soo wiet, daut Edom nich mea een Volkj wia, waut äa ieejnet Launt un äare ieejne Rejjierunk haud. De babelonischa Kjennich Nabonid neem Edom oijfää enne Medd von daut saste Joahundat v.Chr. en. En daut viede Joahundat v.Chr. wonderen en de Jääjent von Edom aul de Nabatää, un de Edomita musten no Sied-Juddäa trakjen no daut Poat von dän Negeb, waut se lota Idumää nanden. Aus de Reema Jerusalem aune 70 n.Chr. venichten deedon, wieren de Edomita dan nich mea fa sikj een Volkj.

jd-X 112 V. 4-5

Soo met aundre omgonen, aus Gott daut haben well

⁴ Wie kjennen doa waut von lieren, met waut Gott Edom beschuljen deed, een Launt dicht bie Israel.

Gott säd to Edom: “Du hautst nich sult opp die-nen Brooda rauf kjikjen, en de Tiet aus hee lieben must. Frei die nich wan Juda siene Nokomen enne Grunt jebrocht woaren” (Obadja 12). Daut Volkj Tie-rus wia woomääjlich doawäajen de “Brooda” von Israel, wääjen dee toop Jeschaften dreewen. Oba de Edomita wieren werklich de Israeliten äare Breeda, wääjen dee von Esau aufstaunden, waut met Jakob een Poakje wia. Jehova säd uk, daut de Edomita met de Israeliten em “Frantschoft” wieren (5. Mose 2:1-4). Doawäajen wia daut soo schlemm, daut de Edomita sikj freiden, aus de Juden von de Bab-elonia soo schlajcht behaundelt worden (Hesekiel 25:12-14).

⁵ Daut es kloa, daut Gott daut nich jefoll, woo de Edomita to äare Breeda, de Juden, wieren. Doawäa-jen sull wie doaräwa nodenkjen: “Woo denkt Gott doaräwa, woo ekj met miene Breeda omgo?” Woo denkj wie biejlikj äwa eenen Brooda ooda woo behaundel wie dän, wan doa mol nich aules jlei rant? Veleicht haft een Christ ons beleidicht ooda haft Trubbel met ons Frantschoft. Wan wie “eene Kloag jääjen dän aundren” haben, bliew wie dan oajalich, enne Städ daut wie dän togoodhoolen ooda daut prooven to fiksen? (Kolossa 3:13; Josua 22:9-30; Matäus 5:23-24). Dan kunn daut bat doa kommen, daut wie disen Brooda nich wudden goot behaund-ten – veleicht kortnatuarich sent, dän utem Stich gonen ooda utholen äwa dän. Un wan wie noch mol wieda aun dit Biespel denkjen: Waut, wan dis Brooda lota veleicht waut orrajchtet deit un de El-testasch von de Vesaumlunk motten dän Rot jären ooda trajchtwiesen? (Galata 6:1). Wurscht du soo sennen aus de Edomita un die doaräwa freien? Waut wudd Gott wellen haben, waut du doonen sust?

20.-26. NOWAMBA

SCHAZA UT GOT SIEN WUAT | MICHA 1-7

No jeistelje Schaza sieekjen

w07-X 1. 11. 15 V. 5

Besondret von daut Buak Obadja, Jona un Micha

2:12 – Wanea erfeld de Profezeiunk sikj, daut “de Israeliten waut äwajebläwen sent” toopje-brocht woaren? Toom ieeshete Mol erfeld sikj daut aune 537 v.Chr., aus de äwajebläwne Juden von Babel wajchreisden un trigj no äa Launt kjeemen. En de vondoagsche Tiet erfeld dise Profezeiunk sikj aun “Gott sien Israel” (Galata 6:16). Von 1919 aun

sent de jesaulwde Christen toopjebrocht worden, soo "aus eena Schop en een Hock toopbrinjt". Un besonda von 1935 aun es doa de groote Häad von "aundre Schop" biejekomen. Soo haft daut "eene lude Schwitt [groote Grupp] von Menschen" jejäft (Johanes 10:16; Openboarunk 7:9). Toop oabeiden dee flietich fa de woare Aunbädunk.

w03-X 15. 8. 24 V. 20

Waut velangt Jehova von ons?

²⁰ Wie seenen, daut Jehova ons säajent, un doawäajen well wie soo denkjen aus Micha. Dee säd: "Ekj woa no Gott luaren, dee mie rat" (Micha 7:7). Waut haben dise Wieed doamet to doonen, daut wie bescheiden läwen, soo aus Gott daut haben well? Wan wie luaren ooda jeduldich sent, dan woa wie nich soo leicht mootloos woaren, wäajen Jehova sien Dach noch nich jekomen es (Spricha 13:12). Rajcht jesajcht wensch wie ons aula, daut et met dise schlajchte Welt mol een Enj neem. Oba jeda Wääkj stalen dusende Menschen sikj opp Gott siene Sied. Dit to weeten halpt ons, jeduldich to luaren. Een Zeij, waut Jehova aul lang jedeent haft, säd doaräwa: "Ekj moak aul mea aus 55 Joa en dit Prädichtwoakj met. Mie es gaunz dietlich, daut ekj nuscht vespält hab, wiels ekj no Jehova jeluat hab. Em Jääjendeel, ekj hab mie väl Trubbels jespoat." Jeit die daut uk soo?

27. NOWAMBA – 3. DEZAMBA

SCHAZA UT GOTTA SIEN WUAT | NAHUM 1 – HABAKUK 3

No jeistelje Schaza sieekjen

w07-X 15. 11. 9 V. 2

Besondret von daut Buak Nahum, Habakuk un Zefanja

2:7 – Woon "Daum biem Riefa" wort opjemoakt?
Met disen Daum wia de Stautsmia von Ninive jemeent, waut von dän Tigris-Riefa opjemoakt wort. Aune 632 v.Chr., aus de Babelonia un de Meeda Ni-nive toop wullen ennämen, dochten de Niniviten, an wudd nuscht woaren. Dee feelden sikj secha hinja äare huage Mia un dochten, kjeena kunn äare Staut ennämen. Oba doa kjeem een groota Rääjen un de Tigris-Riefa schäld äwa. Soo aus de Jeschichtsfor-scha Diodor sajcht, "schäld [doaderch] een jewesset Poat von de Staut unja Wota un een langet Enj von de Mia wia doljeräten." Soo wort de "Daum biem Riefa" opjemoakt un soo aus daut verutjesajcht wia, hauden see Ninive soo bosich enjenomen, aus een Fia reesche Stoppel vebrent (Nahum 1:8-10).

w07-X 15. 11. 10 V. 10

Besondret von daut Buak Nahum, Habakuk un Zefanja

3:17-19. Wan wie ver ooda en Harmagedon veleicht uk schwoaret derchgonen, kjenn wie ons gaunz secha sennen, daut Jehova ons woat Krauft jäwen, daut wie am wieda met Freid deenen kjennen.